



Broj: 02-11-2218/24-AP-6
Datum: 30.12.2024. godine

Na osnovu člana 25. i 70. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/22 i 6/23) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Održavanje javne rasvjete na području Grada Zavidovići u toku 2025. godine“, Gradonačelnica Zavidovića, d o n o s i

ODLUKU

Član 1.

Prihvata se preporuka Komisije za javne nabavke, te se Ponuda ponuđača „DELTAH HM“ d.o.o ZAVIDOVIĆI za javnu nabavku radova „Održavanje javne rasvjete na području Grada Zavidovići u toku 2025. godine“, sa ukupnom cijenom od 42.490,00 KM (slovima: četrdesetdvijehiljadest i 00/100 KM) bez uračunatog PDV-a, odnosno 49.713,30 KM (slovima: četrdesetdevethiljadestotinatrinaest i 30/100 KM) sa uračunatim PDV-om, prihvata kao NAJPOVOLJNIJA PONUDA.

Član 2.

Izabrani ponuđač je dostavio dokumentaciju propisanu tenderskom dokumentacijom (u ovjerenoj kopiji) u skladu sa tačkom 5.1.7. i 5.3.5. Tenderske dokumentacije.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

O b r a z l o ž e n j e

Odlukom Gradonačelnice broj 02-11-2218/24-AP-2 od 28.11.2024. godine pokrenut je postupak dodjele ugovora za javnu nabavku radova „Održavanje javne rasvjete na području Grada Zavidovići u toku 2025. godine“, putem otvorenog postupka za koji je dana,

29.11.2024.godine upućeno Obavještenje broj 1374-1-3-182-3-163/24 na objavu u Informacioni sistem „E-nabavke“..

Na adresu Grada Zavidovići do krajnjeg roka za dostavu ponuda 19.12.2024. godine do 12,00 sati pristigle su 4 (četiri) ponude, i to ponude sljedećih ponuđača po prijemu prispjeća: 1. “KOP I KO“ d.o.o ŽIVINICE; 2. “RIMENERG“ d.o.o BANOVIĆI; 3.“META-B“ d.o.o. ZAVIDOVIĆI i 4. „DELTAH -HM“ d.o.o. ZAVIDOVIĆI.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da su pristigle ukupno 4 (četiri) ponude i da su blagovremene. Ponude ponuđača „DELTAH -HM“ d.o.o. ZAVIDOVIĆI, “KOP I KO“ d.o.o ŽIVINICE, su formalno ispravne i tehnički zadovoljavajuće.

Ponude ponuđača “RIMENERG“ d.o.o BANOVIĆI; 3.“META-B“ d.o.o. ZAVIDOVIĆI su neprihvatljive iz sljedećih razloga:

1. Ponuda ponuđača „META-B“ d.o.o. Zavidovići je od strane Komisije za javne nabavke ocjenjena neprihvatljivom, iz razloga što je u suprotnosti sa zahtjevom Ugovornog organa postavljen tenderskom dokumentacijom u tački 6.2.1. Ponuda mora sadržavati sljedeće elemente (dokumenta):

- a) Popunjen Obrazac za ponude koji je dat u Aneksu 2 TD;
- b) Popunjen obrazac za cijenu ponude sa tehničkim specifikacijama koji je dat u Aneksu 3TD;
- c) Obrazac povjerljivih informacija u skladu sa aneksom 7 TD;
- d) Potpisan, popunjen i ovjeren Nacrt ugovora i Okvirnog sporazuma, kako je dato u Aneksu 8 i 8a TD;
- e) Kvalifikacioni dokumenti ponuđača predviđeni tačkom 5 TD i to:
 - e.1) Izjavu iz ispunjenosti iz člana 45. Zakona i obične kopije dokumenata, kako je traženo tačkom 5.1.3. TD (ANEKS 4)
 - e.2) Dokaz o ispunjavanju uslova iz člana 46. Zakona, kako je to predviđeno tačkom 5.2.2 TD (Ovjereni kopija Rješenja o upisu u sudski registar za obavljanje profesionalnu djelatnost za izvođenje radova predmetom nabavke sa svim priložima ili Aktuelni izvodi iz Sudskog registra);
 - e.3) Izjavu o ispunjavanju uslova ekonomske i finansijske sposobnosti i obične kopije dokaza , kako je traženo tačkom 5.3.2.TD (ANEKS 5);
 - e.4) Dokaze o ispunjavanju uslova tehničke i profesionalne sposobnosti kako je traženo tačkom 5.4.2.TD ;
 - e.5) Punomoć za predstavljanje grupe ponuđača iz tačke 5.6.2. pod b) TD (u slučaju grupe ponuđača);
 - e.6) Izjava o sukobu interesa iz člana 52.Zakona, kako je traženo tačkom 5.5.2. TD (Aneks 6 TD)
- f) Spisak izvršenih ugovora u skladu sa članom 48. Stav 2. Zakona o javnim nabavkama sa Potvrdama o uredno izvršenim ugovorima;
- g) Ovjerena fotokopija ili original Uvjerenja Porezne uprave FBiH o spisku zaposlenih radnika ili ekvivalentni dokument o spisku zaposlenih radnika kod ponuđača iz Republike Srpske**
- h) Pismeno ovlaštenje za potpisivanje izjava u ponudi ukoliko je isto potpisalo lice po ovlaštenju
- 1) Popis sve dokumentacije koja je priložena uz ponudu (stranica iza Aneksa 2 TD pod nazivom „SADRŽAJ PONUDE“)

Uvidom u ponudu ponuđača „META-B“ d.o.o. Zavidovići, utvrđeno je da ponuđač

nije dostavio **“Ovjerenu fotokopiju ili original Uvjerenja Porezne uprave FBiH o spisku zaposlenih radnika ili ekvivalentni dokument o spisku zaposlenih radnika kod ponuđača iz Republike Srpske“**, što je u suprotnosti sa tačkom 6.21. podtačka g) TD.

Članom 57. Stav 1. Zakona propisano je da su ponuđači dužni da se pridržavaju uslova i zahtjeva iz tenderske dokumentacije, što ponuđač, shodno gore navedenom, nije učinio.

Članom 68.stav (4) i) Zakona propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije.

2. Ponuda ponuđača „RIMENERG“ d.o.o. Banovići je od strane Komisije za javne nabavke ocjenjena neprihvatljivom iz razloga što je u suprotnosti sa zahtjevom Ugovornog organa postavljen tenderskom dokumentacijom u tački **5.3. EKONOMSKA i FINANSIJSKA SPOSOBNOST**, podtačka 5.3.2 gdje stoji:

U svrhu DOKAZA o ispunjavanju uslova utvrđenih u tački 5.3.1., TD ponuđaču su dužni u ponudi dostaviti Izjavu o ispunjavanju uslova iz člana 47. Zakona, ovjerenu od strane ponuđača u formi utvrđenoj Aneksom 5 TD. Uz ovu izjavu ponuđači dostavljaju i obične kopije dokumenata iz tačke iz tačke 5.3.1. TD i to:

- a) **Potvrdu Banke ili druge finansijske institucije izdate u skladu sa pozitivnim propisima koja dokazuje ekonomsko-finansijsku sposobnost ponuđača**, odnosno koja potvrđuje likvidnost preduzeća, da račun dobavljača ponuđača nije blokiran u zadnjih šest mjeseci, s tim da datum izdavanja potvrđemora biti poslije dana objavljivanja obavještenja o nabavci;
- b) izjavu o ukupnom prometu ponuđača ostvarenomu segmentu poslovanja koji je predmet ovog ugovora (radovi na održavanju, rekonstrukciji i dogradnji javne rasvjete) u posljednje 3 (tri) finansijske godine ili od datuma registracije, odnosno početka poslovanja, ako je ponuđač registrovan odnosno počeo sa radom prije manje od 3 (tri) godine dana, ovjerenu od strane ponuđača.

Uvidom u ponudu ponuđača „RIMENERG“ d.o.o. Banovići, utvrđeno je da je ponuđač dostavio kopiju Izvještaja o računima poslovnog subjekta izdat od strane Centralne banke BIH dana 13.12.2024.godine, iz kojeg je vidljivo da je zadnje ažuriranje jednog od aktivnih računa bilo 27.09.2023.godine.

Iz navedenog proizilazi da ponuđač neme traženi-validan dokaz da račun dobavljača ponuđača nije blokiran u zadnjih šest mjeseci, što je u suprotnosti sa tačkom tačkom 5.3.2. TD, podtačka a) TD.

Članom 57. Stav (1) Zakona propisano je da su ponuđači dužni da se pridržavaju uslova i zahtjeva iz tenderske dokumentacije, što ponuđač, shodno gore navedenom, nije učinio.

Članom 68.stav (4) i) Zakona propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije

Imajući u vidu sve navedeno, ponude ponuđača „META-B“ d.o.o. Zavidovići i ponuđača „RIMENERG“ d.o.o. Banovići, se smatraju neprihvatljivom i ista se odbacuju, kao neprihvatljive u skladu sa članom 68. stav (4) tačka j), a vezano za član 2. tačka l) , alineja 2) Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača, te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije, dana 25.12.2024. godine, Komisija za javne nabavke Grada Zavidovići dostavila je Dopunu zapisnika o pregledu i ocjeni ponuda nakon e-aukcije, broj: 02-11-2218/24 od 23.12.2024. godine u kojem je izvršila rangiranje ponuđača kako slijedi :

R/br	Naziv/ime ponuđača	Ponuđena cijena bez PDV-a
1.	„DELTAH -HM“ d.o.o. ZAVIDOVIĆI	42.490,00 KM
2.	„KOP I KO“ d.o.o ŽIVINICE	42.545,00 KM

Ponuda ponuđača „DELTAH -HM“ d.o.o. ZAVIDOVIĆI, u postupku javne nabavke radova „Održavanje javne rasvjete na području Grada Zavidovići u zgradi Gradske uprave u toku 2025. godine“, sa ukupnom cijenom od 42.490,00 KM (slovima: četrdesetdvijehiljadest i 00/100 KM) bez uračunatog PDV-a, odnosno 49.713,30 KM (slovima: četrdesetdevethiljadest i 30/100 KM) sa uračunatim PDV-om je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.

Cijeneći pravilnost provedenog postupka dodjele ugovora o javnoj nabavci radova, „Održavanje javne rasvjete na području Grada Zavidovići u toku 2025. godine“, te datu preporuku od strane Komisije za javne nabavke, odlučeno je kao u dispozitivu ove Odluke.


POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.


Dostavljeno:

1. Učesnicima u postupku
2. U spis.

Obradio/la: 
(Sanela Mulahasanović)

Kontrolisao: 
(Midhat Bajramović)

GRADONAČELNICA



mr. iur. Erna Merdić Smailhodžić 

